

活人慈航

痘疹類集
腫毒類下

痘科集
腫 卷下

智集

山

家藏袖珍活人慈航痘科集腋卷下目錄

起脹三日調治法

起脹順症

起脹險症

五陷治法

起脹雜症

起脹逆症

紫背浮萍論

灌漿三日調治法

灌漿險症

灌漿雜症

灌漿逆症

收靨結痂調治法

結痂雜症

結痂逆症

痘後要方

發熱 醫小雜症

驚搐

頭痛

腰痛

腹痛

煩躁

謔妄

渴

厥逆

喘 咳 嗽 嘔 吐 口 噴 穢 氣 汗 泄 瀉 痘 痛 衄 血 便 血 倦 怠 痘 後 浮 腫 目 痘 後 牙 疳 咽 喉

痰 症 打 呃 倉 水 不 食 閉 結 痘 囊 失 音 寒 戰 咬 牙 痢 疾 痘 後 癰 毒 唇 舌 文 疹 印 痧

夾痧

水痘

婦女出痘行經

痘出過產

葉天士痘科治法

麻疹

麻疹見形症治

身熱不退

謔妄

喉痛

嘔吐

痢疾

衄血

夾痧

男子年長出痘

孕婦出痘

產後出痘

麻疹未出症治

麻疹收沒症治

煩渴

喘急

失音

泄瀉

腹痛

瘡疹

蓋痘疹

癰疹

家藏袖珍活人慈航第玖卷

智集下之下

福建汀州府長汀縣監生鄭

諱玉成

字

德

號

方纂輯

品

生

男汝恭謹鈔

痘科集腋卷下

起脹三日調治法

痘出皮膚要漸漸起脹蓋痘起一分則毒出一分必痘脹滿

而毒盡出倘痘不起脹則痘雖見點其毒仍留臟腑數日

之後其毒內攻不可救矣故出齊三日之內其時日十分

要緊急於此時觀察形色審症用藥猶如拯溺而不可緩

救焚而不可遲也夫痘之全安必要漿膿飽滿其次亦要

膿漿六七分方保無虞痘瘡既出形色顯然其膿之成與

不成漿之足與不足此時皆可逆睹蓋痘出齊後潮熱已

退雖症又除稀疎明朗尖圓紅潤皮粗而厚體實而堅者
氣血俱盛毒氣又清必能起脹必能成漿此固可預知也
若或稍生不順或熱不退雖症不除色暗而不明勢弱而
不振界地不分顆粒不圓紫而不鮮焦而不潤淡而無血
薄而不堅者非毒盛之失解即氣弱之當扶此症若無藥
救則必不能起脹不能灌漿亦可以先知也故必於此時
力為調治猶可救也失此不治則不能起脹又安望其成
漿乎症之生死決於痘之起伏痘起則毒從外出而可化
痘伏則毒留內攻以為殃故起脹方有生機陷伏必從死
例

痘出時發癢痘毒有氣而無形必藉氣以送之血以載之毒
附於血達之皮膚以成痘瘡故有形也方出之時毒與氣
血滾為一團乃成熙子及痘既出則氣充其上以升毒血

附其下以化毒故頂尖而圓者其氣上升也腠有紅暈者其血下附也分清氣血之時痘多作癢及氣血各定其位則氣上升以化毒血下附以養漿其痘自不癢矣痘雖忌癢惟初出時癢乃不怕也

痘齊發熱凡痘出齊必耍退熱潮熱已退則毒盡出於皮膚矣若出齊猶熱是毒猶少留於內也出齊大熱是毒盛滯於中也急宜宣毒出外毒不留滯則熱自退矣而痘亦自長矣但毒之所以滯者亦有二端 有毒氣壅盛乃滯留而不出者其痘必紅紫乾焦兼之煩悶宜調元化毒湯解之若仍不退則用大成散以攻之服此而痘光潤起水即熱未盡退亦當更用補劑蓋八九日上此發熱三日實至八九日候當用補不敢復試清涼也 有元虛不能送毒者痘必淡白雖見點稀疏其熱不退亦是留毒未盡出不可玩忽視之必

宜千金內托散托出痘毒方可無慮

起脹順症

痘出齊後熱退身涼飲食得進精神清爽體暢心甯無咳嗽吐逆泄瀉閉結等雜症痘稀而朗頂尖員而日起脹腳不濶而聚紅暈痘頂放光而起痘底帶漿而化先出者先起脹痘若出齊至足而面部水汁俱行此順症自不藥而愈但避穢氣忌食肥滑生冷

起脹險症

夫痘之起脹雖在六日之後發熱三日其起而其調治之藥當施於七日之前蓋痘所以難起者以是毒盛痘稠也凡解毒之藥多是清涼惟七日以前可用若八九日上候當用補毒藥未清則畏首畏尾難施治矣故於六七日間毒之盛者急宜解之斷不可稍遲延也

痘之毒氣出於臟腑氣血拘攣送於皮膚故成瘡形初出及
是血點其後漸漸運化血化為水水化為膿必漿足膿成
毒乃化盡然必出於皮膚而毒始能化也故痘必起而水
乃行水將行則痘光潤是以痘宜光潤而不宜暗宜滑而
不宜濇宜起而不宜伏究痘之起與不起毒之化與不化
皆氣血盈虛之故邪正盛衰之由也必正氣盛而邪氣衰
陰陽調和血氣通暢乃能化毒以成漿

有痘色紅紫焦枯者乃毒氣熾盛血燥而凝不能起脹而化
也宜清毒活血湯

痘色淡白泡不尖員根無紅暈而不起脹者乃元氣虛弱血
寒而縮不能送毒外化以行漿也宜千金內托散及參歸
鹿茸湯

凡痘須看面部蓋面乃五臟元陽之會面部若起則遍身雖

陷亦氣血灌溉未至以藥力扶之自能徐徐而起若面部之痘不起而手足之痘先脹者此陽氣不能上升而流竄於四肢最為凶兆必用千金內托散多用川芎加升麻以提氣上行必頭面起脹方保無虞 凡面部又以天庭為緊要天庭不起則二顴及地閣俱起亦無生機蓋天庭乃至高之所是諸陽之首此處不起則元陽已衰諸部安能運化急用升天散

痘方起脹即帶黃漿者此毒火熾盛故易成漿俗名搶漿痘不拘何處俱急剔破去其漿膿以拔疔散敷之不然能滯漿路令諸痘不能成漿 又或間有紫泡黑泡血泡者俱是毒盛血滯為惡類之標若不速除能引諸痘皆成此泡亦宜挑出惡血以拔疔散敷之

痘已半起忽然平塌者此元氣本虛或為風寒所觸或為穢

氣所衝或候服寒涼所致必宜詳審其由為風寒觸者其
必惡風而皮毛慄起用生姜附不桂枝令出微汗而痘復
起候服寒涼者其痘赤白用內托散加丁香附子而補中
氣則痘復起為氣所衝者其痘必癢用平和湯外燒沈
檀棗枝煎之其痘即起

痘初出絲活起脹時忽然而變紫黑者此必以前失於解毒
而毒留滯於中至此將作內攻最為危險速用大成散以
紫草湯調服

痘雖鮮紅究乾燥而不肥者此火毒盛而陰血不足也宜
四物湯加連翹牛子前胡紫草骨皮

痘雖光肥而帶澀者乃脾中有風溼也不治則成潰爛宜四
君子湯加黃芪肉桂防風陳皮白芷

痘雖紅活充滿而皮薄嬌紅搽之即破者此血有餘而氣不

足也若不急治十日上必癰塌擦破而死宜保元湯加白
木山防風連喬牛子

痘內傷飲食痘不起脹即有腹中飽脹疼痛等症中氣為食
積所滯不能宣暢其痘故不起也宜升消平胃散

痘過期不起而手足不起者乃脾氣弱而不能灌漑四肢也
用保元湯加丁香防風

出痘之時又加忌食以致毒火遏鬱而不起煩心口
自汗小便赤宜人參白虎湯加麥冬升麻竹葉或益元

出痘快而後又發者不能起發者其毒必白吐瀉腹疼爪

甲白而赤者加丁香香薷

心內有火者有紅有重痘者宜用此散則

中赤自起矣 若中心陷而黑者此毒留於裏中氣鬱而不升也宜理中而兼化毒若不急治必成鐵殼空瘡而死宜巫氏內托散實者宜巫氏清解散 若黑硬乾枯而中陷者是痘疔也急宜剔破吮去惡血以後疔散敷之仍用前方與服不然俱變黑陷而死矣

有中心微起而含水意其四畔卻乾枯者此毒火薰蒸津液將枯之兆必身熱煩躁若不急治則盡焦枯而死宜巫氏內托散實者清解散

痘出昏迷不省人事者毒伏心包絡也用朱沙一錢水片一分人參三分加猪尾血溫酒調勻與服自毒解神甯

此方果效 按無參用生芪當歸棗仁遠志茯神炙甘草煎調朱沙冰片猪尾血服

張按一兒痘齊而熱不退昏沈失智不省人事諸藥不效余用大成散一服發出臭汗一身遂熱退人甦痘亦明

按

神情閉悶身熱不退是毒伏心包絡
用此毒攻毒

痘之不起總因毒重痘密而見點之際又或失於調治致毒
滯不發而氣血又難舒暢故痘不能起也

張按一兒出痘形如蚕種狂言謔語如見鬼神余曰此惡候
也其痘方出即用敗毒和中散一日連進四服其後色雖
稍明而痘不分界地一片通紅乃用紫草生地赤芍丹皮
麥冬木通前胡牛子連喬川芎黃芩甘草一日進三四服
次日則界地已清形若荔枝又於前方去赤芍麥冬木通
加白芷白芍山甲外用煎水柳草頻頻拭之則痘色漸漸
光亮見熱稍平遂以前方加生芪扶元氣至九日上乃用
人參炙芪當歸川芎鹿茸白芍白芷山查山甲肉桂炙甘
每日必進二三服然後升水灌漿至漿既足復加淮山白
芍其漿乃膿但痘總以氣血為主氣血若旺則可縱橫解